

Protocol da la radunanza generala dals 3 gün 2022 a las 16.00h i'l ACEB a S-chadatsch/Strada

I sun preschaints/tas 35 commembers/ras. S-chüsats s'han Padruot Fried, Daniel Bulfoni, Philipp Gunzinger, Mario Pult, Matias Federspiel, Duri Valentin e da la suprastanza Marisa Feuerstein (vacanzas).

1. Bainvgnü

Il president Jon Duri Tratschin ha pudü drivir punctualmaing la radunanza generala da l'ACEB - quai davo duos ons plütöst insolits causa corona – darcheu in ün möd e cun ün on da gestiun vaira solit.

Ün salüd special va a Domenic S-charplatz, anterius president ed a Josef Jenal, anterius chaschier, sco eir a Christian Fanzun, capo dal cumün da Scuol. Implü salüda il president a Chasper Pult chi'd es nos referent dal di.

L'invid es gnü proframiss per posta, il rapport annual 2021, il rendaquint 2021 e'l preventiv 2022 as rechattan eir sulla pagina d'internet.

Christian Juon vain elet sco scrutinadur.

- La glista da tractandas vain acceptada unanimamaing.

2. Protocol

- Il protocol da l'ultima radunanza generala vain acceptà unanimamaing.

3. Rapport annual:

- Per la fin dal 2021 sun registrats 143 commembers da l'ACEB (115 persunas singulas, 22 famiglias/conjugals e 6 persunas giuridicas).
- Pervi da la pandemia ha la radunanza generala gnü lö illa sala polivalenta a Strada.
- Fundaziun ACEB (F-ACEB): La finanziaziun per la realisaziun da la prüma etappa es sün buna via, voul dir l'aquist da l'object e las investiziuns previssas stessan capitär amo dürant il 2022.
- Occurrentas: In occasiun da la radunanza generala ha Paul Grimm referi sur dal cuntschaint inspectur federal superiur da god Johann W.F. Coaz.
- Lavor d'archivar: Ils archivars han prästà dürant il 2021 insembe 937 uras da laver. Grazcha fich a Beat Hofmann, Armon Parolini, Cla Rauch, Peder Rauch e Jon Duri Tratschin; entradas da documainta -> guarda pagina d'internet (www.archivcultural.ch/documainta/).
- Il rapport presidial 2021 vain fat bun unanimamaing.

4. Quint annual 2021:

Il chaschier Beat Hofmann preschainta cuort ils detagls dal rendaquint 2021.

Il chantun ans ha sustgnü cun üna contribuziun da fr. 10'000.-

La Regiun EBVM ans sustegna inavant cun üna contribuziun annuala da fr. 20'000.-.

Il quint serra cun ün guadogn da fr. 188.06 pro entradas da fr. 36'435.34 e sortidas da fr. 36'247.28. Il pitschen guadogn in congual cul on avant, resulta dal fat cha fr. 7.000.- van sco retensiun illa Fondaziun ACEB.

5. Rapport da revisiun:

Ils duos revisurs da quint Duri Janett e Duri Valentin conferman cha la contabilità saja manada in uorden e propuonan da dar dis-charg al chaschier ed a la suprastanza. Grazcha fich a Beat Hofmann ed a Josef Jenal, seis agüdont contabel.

- La radunanza fa bun il renda quint 2021 unanimamaing.

6. Preventiv:

Pro'l post «Ulteriuras spaisas da gestiun» esa da remarchar cha l'on passà nu vaina cumprà ingün öli e quist on sun previs per quai fr. 6'000.-.

La suprastanza propuona da laschar las contribuziuns annualas da commember sco fin qua. 30.00 fr. singuls

50.00 fr. famiglias e conjugals

100.00 fr. persunas juridicas dal dret privat o public

- La radunanza accepta unanimamaing il preventiv 2022 e las cuntribuziuns annualas da commembers

7. Tschernas:

Marisa Feuerstein ha inoltrà la demischiun sulla data da la radunanza generala.

Nos president ingrazcha a Marisa per sia laver prestada per l'ACEB daspö ch'ella d'eira entrada in suprastanza dal 2013. Causa absenza tilla vain protramiss ün regal sco recognuschentscha.

Mario Pult da Ftan vain tschernü in sia piazza. Ils ulteriurs commembers da la suprastanza vegnan tschernüts in globo: Jon Duri Tratschin, Peder Rauch, Curdin Brunold e Beat Hofmann.

Sco president vain reelet cun acclamaziun Jon Duri Tratschin.

Eir ils duos revisurs da quint Duri Janett e Duri Valentin vegnan confermats.

Tenor artichels 14 e 16 dals statüts importa la dürada d'uffizi 3 ons.

8. Fundaziun:

Jon Carl Rauch, president da la Fundaziun ACEB orientescha:

La Fundaziun ACEB es gnüda fuondada dal 2019 culla mera da gnir insembe culs raps per cumprar e renovar la veglia chasa da scoula a S-chadatsch e garantir uschè ün lö stabel a lunga vista per l'ACEB.

Davo avair chattà ün «mentur» cullas drettas colliaziuns esa gratià da gnir insembe cul chapital bsögnaivel per realisar la prüma etappa, nempe la cumplita da l'object a S-chadatsch e da cumanzar dürant la stà dal 2022 cullas prümas lavurs da sanazion.

9. Varia:

Cun quai cha suot «Varia» nu vain plü tut il pled, po nos president serrar la radunanza a las 16. 45h. El ingrazcha a tuots e tuottas chi güdan in l'üna o l'otra maniera pro per üna buna gestiun da nos archiv. Ün special ingrazchamaint va a nos archivar Cla Rauch, chi'd es cun seis 80 ons amo adüna activ, e quai diligaintamaing.

Davo la radunanza ha **Chasper Pult** referi sur da «Duri Chiampell e sia descripzion topografica da las traïs Lias». Nos president ingrazcha a Chasper Pult pel fich interessant referat ed invida a tuot ils preschaints ad ün aperitiv.

Ardez, 3 gün 2022/Curdin S. Brunold